

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-006-5/24**
Datum: **02.04.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Transportbeton“ d.o.o. Kiseljak za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije kompleksa objekata namjene: eksploatacija i prerada mineralne sirovine tehničkog građevinskog kamena na prostoru površinskog kopa „Boljkovići-Lepenica“, općina Kiseljak, na osnovu člana 139. stav (1) tačka 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Transportbeton“ d.o.o. Kiseljak daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije kompleksa objekata namjene: eksploatacija i prerada mineralne sirovine tehničkog građevinskog kamena na prostoru površinskog kopa „Boljkovići-Lepenica“, općina Kiseljak.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokaciji objekata, detaljnog dinamičkog plana ulaganja urađenog od strane pravnog lica (broj:13/24 od 01.02.2024. godine) i pod slijedećim uslovima:
 - 3.1. Da korisnik predmetnog poslovno-proizvodnog kompleksa objekata namjene: eksploatacija i prerada mineralne sirovine tehničkog građevinskog kamena na prostoru površinskog kopa „Boljkovići-Lepenica“, općina Kiseljak održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 3.2. Da se u periodu važenja ove vodne dozvole, u skladu sa detaljnim dinamičkim planom ulaganja, a u skladu sa članom 26. stav (3) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24) realizuju aktivnosti na vanjskom uređenju:
 - 3.2.1. kupovina zemljišta za izgradnju taložnika je u proceduri i okončanje svih aktivnosti se očekuje u mjesecu februaru 2024. godine,
 - 3.2.2. priprema lokacije za izmještanje dalekovoda je u proceduri i okončanje ove aktivnosti se očekuje do kraja mjeseca juna 2024. godine,
 - 3.2.3. izrada glavnog projekta taložnika se očekuje do kraja mjeseca marta 2024. godine,
 - 3.2.4. izgradnja taložnika prema glavnom projektu će biti realizovana na terenu do mjeseca novembra 2024. godine,
 - 3.2.5. izgradnja betonskog taložnika za prikupljanje površinskih voda na prostoru postrojenja će biti realizovana do kraja mjeseca jula 2024. godine (po starom projektu),

- 3.2.6. izrada septičke jame (tipske PVC) će biti realizovana do kraja mjeseca juna 2024. godine,
- 3.2.7. puštanje u probni rad svih izgrađenih objekata i sadržaja te organizacija tehničkog prijema se očekuje do kraja mjeseca decembra 2024. godine.
- 3.2.8. Nakon okončanja svih aktivnosti na terenu, obzirom da će doći do odstupanja u odnosu na Glavni projekat ispuštanja tehnoloških i oborinskih otpadnih voda na lokalitetu kamenoloma Boljkovići-Lepenica, općina Kiseljak, urađen od strane Instituta za hidrotehniku d.d. Sarajevo, juni/lipanj 2017. godine, investitor "Transportbeton" d.o.o. Kiseljak je u obavezi da izradi projekat izvedenog stanja-hidro faza, sa svim izmjenama i dopunama.
- 3.3. Da se objekti čija je svrha odvođenje i prečišćavanje oborinskih onečišćenih voda (slivnici, kanali sa rešetkama, reviziona okna, taložnici, kanali za prihvrat oborinskih voda i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
- 3.4. Prečišćene vode prije ispuštanja u recipijent trebaju ostati u maksimalno dozvoljenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH” broj: 26/20, 96/20, 1/24).
- 3.5. Da se redovno vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
- 3.7. Ukoliko Vlada Srednjobosanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.8. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.9. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Sadržaj (mulj) iz revizionih šahtova i kanala i ostali otpad ne smije se odlagati na česticu „vodno dobro”, odnosno u vodotoke i na njegove obale.
- 3.11. Da se istrošena ulja, nautljene krpe i sav opasan otpad redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. U periodu važenja ove dozvole, pravno lice je dužno provoditi sve mjere i aktivnosti propisane istom.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Pravno lice "Transportbeton" d.o.o. Kiseljak dužan je izvještavati Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, na obrascu iz Priloga B. Uredbe o uslovima ispuštanja otpadnih voda u okoliš i sisteme javne kanalizacije.
10. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24) daje se sa rokom važenja do 30.06.2026. godine, uz uslov da se aktivnosti obuhvaćene tačkama 3.2.1. do 3.2.8. dispozitiva rješenja u cijelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice "Transportbeton" d.o.o. Kiseljak obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i za aktivnosti koje mogu imati specifične uticaje na vode sa lokacije kompleksa objekata namjene: eksploatacija i prerada mineralne sirovine tehničkog građevinskog kamena na prostoru površinskog kopa „Boljkovići-Lepenica”, općina Kiseljak.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Aktuelni izvod iz sudskog registra broj: 051-0-Reg/Z-23-001714 od 20.11.2023. godine izdat od strane Općinskog suda u Travniku – ovjerena kopija,
- Uvjerenje o registraciji poreznog obveznika od 21.06.2022. godine izdato od strane Kantonalnog poreznog ureda Novi Travnik – ovjerena kopija,
- Rješenje, broj: 04-18-712/04 od 06.07.2004. godine izdato od strane Ministarstva gospodarstva/Ministarstva privrede Srednjobosanskog kantona – ovjerena kopija,
- Rješenje, broj: 04-18-370/15 od 09.06.2015. godine izdato od strane Ministarstva privrede Srednjobosanskog kantona – ovjerena kopija,
- Rješenje o okolinskoj dozvoli, broj: UPI 05/2-23-11-205/19 od 15.01.2020. godine izdato od strane Federalnog ministarstva okoliša i turizma – kopija,
- Rješenje o vodnoj dozvoli, broj: UP-I/25-3-40-630-7/18 od 02.04.2019. godine izdato od strane Agencije za vodno područje rijeke Save, Sarajevo – kopija,
- Detaljni dinamički plan sa spiskom aktivnosti i mjera i finansijskom procjenom, broj: 13/24 od 01.02.2024. godine,
- Ugovor potpisan sa „Delta petrol” d.o.o. Kakanj, broj: 1778/23-DS od 14.11.2023. godine – kopija,
- Izvještaj o monitoringu kvaliteta i kvantiteta otpadnih voda kamenoloma „Boljkovići-Lepenica” Kiseljak urađen od strane „Inspekt RGH” d.o.o. Sarajevo, broj: 1436/23, oktobar 2023. godine,
- Izvještaj o monitoringu kvaliteta i kvantiteta otpadnih voda kamenoloma „Boljkovići-Lepenica” Kiseljak urađen od strane „Inspekt RGH” d.o.o. Sarajevo, broj: 1577/23, novembar 2023. godine,

- Izvještaj o monitoringu kvaliteta i kvantiteta otpadnih voda kamenoloma „Boljkovići-Lepenica“ Kiseljak urađen od strane „Inspekt RGH“ d.o.o. Sarajevo, broj: 1800/23, decembar 2023. godine,
- Punomoć podnosioca zahtjeva, broj: 01/24 od 05.01.2024. godine,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija:

- Glavni projekat ispuštanja tehnoloških i oborinskih otpadnih voda na lokalitetu kamenoloma Boljkovići-Lepenica, općina Kiseljak, urađen od strane Instituta za hidrotehniku d.d. Sarajevo, juni/lipanj 2017. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na lokaciji proizvodno-poslovnog objekta „Transportbeton“ d.o.o. Kiseljak i tom prilikom sačinjen Zapisnik o izvršenom uviđaju broj: UP-1/21-3-40-006-4/24 od 29.03.2024. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Pravno lice nije na terenu postupilo po zahtjevima iz Rješenja o vodnoj dozvoli broj: UP-I/25-3-40-630-7/18 od 02.04.2019. godine tj nije izvršilo izgradnju svih objekata za prikupljanje, transport i tretman tehnoloških otpadnih voda koje nastaju na predmetnom lokalitetu, te ispuštanje prečišćenih voda u definisani recipijent - rijeku Lepenicu, u skladu sa: Glavnim projektom ispuštanja tehnoloških i oborinskih otpadnih voda na lokalitetu kamenoloma Boljkovići-Lepenica, općina Kiseljak, urađenim od strane Instituta za hidrotehniku d.d. Sarajevo, juni/lipanj 2017. godine.
- Pravno lice je u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20, 96/20 i 1/24) dostavilo detaljan dinamički plan ulaganja, broj: 13/24 od 01.02.2024. godine, a sve u skladu sa zahtjevima pod kojima je izdato prethodno Rješenje o vodnoj dozvoli od strane Agencije za vodno područje rijeke Save, Sarajevo.
- Uvidom u sadržaj detaljnog dinamičkog plana konstatovano je da će u narednom periodu pravno lice realizovati sljedeće aktivnosti:
 - kupovina zemljišta za izgradnju taložnika je u proceduri i okončanje realizacije se očekuje u mjesecu februaru 2024. godine,
 - priprema lokacije za izmještanje dalekovoda je u proceduri i okončanje ove aktivnosti se očekuje do kraja mjeseca juna 2024. godine,
 - izrada glavnog projekta taložnika se očekuje do kraja mjeseca marta 2024. godine,
 - izgradnja taložnika prema glavnom projektu će biti realizovana na terenu do mjeseca novembra 2024. godine,
 - izgradnja betonskog taložnika za prikupljanje površinskih voda na prostoru postrojenja će biti realizovana do kraja mjeseca jula 2024. godine (po starom projektu),
 - Izrada septičke jame (tipske PVC) će biti realizovana do kraja mjeseca juna 2024. godine,
 - puštanje u probni rad svih izgrađenih objekata i sadržaja te organizacija tehničkog prijemata se očekuje do kraja mjeseca decembra 2024. godine.
- Pravno lice je upoznato sa potrebom izrade-dorade projekne dokumentacije-dijela hidro faze, obzirom da projektna dokumentacija: Glavni projekat ispuštanja tehnoloških i oborinskih otpadnih voda na lokalitetu kamenoloma Boljkovići-Lepenica, općina Kiseljak, urađenim od strane Instituta za hidrotehniku d.d. Sarajevo, datira iz 2017. godine ne odgovara činjeničnom stanju na terenu, posebno iz razloga što se dokupljuje novo zemljište, planirana je gradnja (po projektu) novog taložnika, izmješta se dio infrastrukturnih objekata - dalekovod i dr.

U skladu sa detaljnim dinamičkim planom ulaganja sa spiskom aktivnosti i mjera sa finansijskom procjenom za ulaganja, broj: 13/24 od 01.02.2024. godine urađenim od strane

pravnog lica "Transportbeton" d.o.o. Kiseljak planirano je da se u narednom periodu realizuju aktivnosti na izgradnji objekata i sadržaja, puštanje u probni rad svih izgrađenih objekata i sadržaja te se organizacija tehničkog prijema očekuje do kraja mjeseca decembra 2024. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva "Transportbeton" d.o.o. Kiseljak ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode na lokaciji kompleksa objekata namjene: eksploatacija i prerada mineralne sirovine tehničkog građevinskog kamena na prostoru površinskog kopa „Boljkovići-Lepenica”, općina Kiseljak, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr Selma Merdan, dipl.inž.geol.

Prilog: Tehnička dokumentacija navedena pod tačkom B obrazloženja rješenja

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- "Transportbeton" d.o.o. Kiseljak
Draževići bb 71250 Kiseljak, (sa prilogom),
- ⊖ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava